

海國輿地釋名卷一

湘鄉陳士芑翼謀甫纂

總釋弟一

地形橢圓如球球之兩端正對天空南北二極北極在上南極在下以經緯線縱橫畫之勻分爲三百六十度自北至南之線曰經度自東至西之線曰緯度赤道橫繞地軸之中爲日馭之所正照是曰熱帶赤道北二十三度二十八分日晝長圈赤道南亦二十三度二十八分日晝短圈二圈之間有線斜交於赤道與二圈東西相切是曰黃道限黃道限之南北各四十三度曰溫帶溫帶之南北各二十三度半曰寒帶寒帶外則爲兩極疑陰沍結人不能至焉全球周八萬七千

海國輿地釋名卷一

一百九十二里舊說稱九萬里或云七萬四千六百四十里直徑二萬七千六百

九十二里舊說地厚二萬八千六百三十六里零三十六丈或云東西徑二萬三千七百六十里南北徑二萬

三千六百八十二里綜計一千三百三十七兆八十三萬有百方里或云

七千億方里水居十之七陸居十之三地勢從北極披離下垂西

人區爲五大洲在東半球者三曰亞細亞曰歐羅巴曰阿非

利加三土相連自東北至西南約長三萬五千餘里在西半

球者二曰北亞美利加曰南亞美利加二土相連約長二萬

九千餘里界東西二半球之間最大海水曰太平洋次曰大

西洋二大洋外近北極者曰北冰洋近南極者曰南冰洋而

由印度正視界非洲澳大利亞羣島之間則稱曰印度洋焉西人五洲之說本不足爲典要魏默深氏已辨及之然默深依釋典分爲四洲亦屬懸揣之言未爲定論故今仍用西人



之說所謂名從主人也惟舊皆以澳大利亞爲一洲始以其土地之廣然此島隸英爲藩屬國土人物實不足與各洲相提並論不若分美洲爲二以合五洲之數爲允協也

西人名地之義約而言之其繫乎水者曰洋曰海曰灣曰窄海曰峽曰江曰河曰湖其繫乎陸者曰洲曰島曰原曰山曰峰曰沙漠曰角曰隅洋者萬流奔匯茫無際涯水之體勢最大者也海者體勢之次於洋者也灣者海之支派灣環旋繞於地濱也窄海者海之支派貫輸於二地之間也峽者夾於二陸之間海水至此而一束也江河者水之匯入於海也湖者水渟聚於地上土環其外也洲者陸地之最大者也島者峙於海中小於洲也原者有高原有平原地面之延袤者也山者高原之最高者也峰者山頂之巋出者也沙漠者莽莽大荒空曠無人煙之區也角者海岸突出形如箕舌也隅者地之迴入海中大於角也

海國輿地釋名

卷一

二

亞細亞洲

一作亞西亞  
阿細亞

一作亞齊亞

一作亞悉亞

一作

亞洲幅員之廣爲四洲之冠北抵北冰海南抵印度洋東抵太平洋西界紅海地中海黑海及俄羅斯之烏拉嶺南北距二萬里東西距二萬一千里綜計爲方里者一百十二兆十一萬一千八百四十或云六百億高於海面一千一百二十一尺國於是洲者爲中國之十八行省東三省內外蒙古諸部新疆回疆青海前後藏其北際海爲俄羅斯之西伯利亞部其東臨海曰朝鮮與朝鮮隔海相望曰日本迤南曰琉球臺灣及東南洋羣島其南際海與中國之滇粵諸省毘連者曰越



南暹羅緬甸南掌其西北與新疆回疆昆連者曰西域回部  
其西南與後藏毘連者曰布丹哲孟雄廓爾喀克什米爾迤  
南抵海曰五印度印度之西北曰阿富汗俾路芝波斯再西  
南踰波斯海灣曰阿刺伯阿刺伯之西北爲土耳其之東土  
又西爲土耳其之中土所謂小亞細亞者是也

歐羅巴洲

一作歐邏巴

一作歐羅巴

一作友羅巴

歐洲幅員絕長補短約得亞洲四分之一北抵北冰海南抵  
地中海東界亞洲西抵大西洋南北距九千里東西距一萬  
里綜計爲方里者二十五兆九十八萬一千五百八十或云  
三十億一百高於海面六百六十一尺海水由正北注入徘徊於英  
吉利那威二國之間曰北海由北海轉而東北注輸於俄羅

海國輿地釋名

卷一

斯瑞典二國之間曰波羅的海海水又由正西注入爲歐非  
兩洲天然界域曰地中海地中海之水由希臘土耳其二國  
之間曲折注入內地曰黑海國於是洲者以德意志爲中原  
其東南曰奧斯馬加奧斯馬加之東爲俄羅斯與俄羅斯跨  
波羅的海而國者曰瑞那瑞那之南有土突出如箕舌扼波  
羅的海北海之吭曰丹馬丹馬之西南曰荷蘭荷蘭之西南  
曰比利時比利時之東南曰瑞士瑞士之南如人足伸入地  
中海曰意大利由意大利踰海而東有國斗入海羣島環之  
曰希臘希臘之東北爲土耳其西意大利之西北曰法蘭  
西法蘭西之西南曰西班牙西班牙之西抵海爲洲地盡處  
曰葡萄牙法蘭西之西北有三島雄峙海中曰英吉利







高於海面七百三十七尺南洲方六千四百七十萬有二千三百里高於海面一千一百三十五尺綜計兩洲爲方里者百一十兆七百三十萬有二千三百或云百一十兆二十二萬四千八百或云五百五十國於北洲者曰美利堅曰墨西哥曰危地馬拉曰閩都拉斯曰三薩瓦多曰尼加拉瓜曰哥斯德里加美利堅之北則爲英屬之加拿他部國於南洲者以巴西爲最大其東曰秘魯迤南曰玻利非亞再南曰拉巴拉他與拉巴拉他隔安達斯大山爲鄰者曰智利極南地盡處曰巴拿我尼巴西之西北曰厄瓜多其東北曰瓜阿那爲英法荷三國分據之地其正北曰委內瑞辣委內瑞辣之西曰新加拉那大新加拉那大有屬地曰巴拿馬爲南北分界之處一線相銜狀類人

海國輿地釋名

卷一

五

頸近美利堅人方議鑿開此頸溝通海道如開蘇彝士河故事其成功之期尙莫能定也

太平洋

一名大東洋

一名大洋海

一名太平海

一名東洋大海

南北距三萬八千五百里

或云三萬三千里

東西距三萬五千里

或云

二萬四千里

水面積爲方里者三百三十兆

或云二百四十兆

約占全球

四分之一

白令海

一作北令海

一作比令海

一作貝令海

一作墨領海

東抵美洲之阿拉斯加部西南連甘查甲海

白令峽

名同上

亞洲極東北隅與美洲極西北隅隔絕此峽一水相望

諾爾屯灣

一作諾爾敦灣

一作淖爾屯灣

一作諾頓灣



在白令峽之東即北美洲堯康江入海處

甘查甲海

一作堪察加海 一作岡札德加海 一作喀母 煞特喀海

東連白令海西抵亞洲俄屬之甘查甲部

疴哥德斯克海

一作俄何特斯克海 一作阿荷次克海 一作俄霍茨克海 一名大拉該海 一名小海

海水自混同江口以北漸迤而西北至索倫河口皆為中

國境又迤而北襟俄羅斯之疴哥德斯克舊部俄人即以

其部名名之其東北即甘查甲部也

加里福尼阿灣

一作加利福尼灣 一作嘉禮福尼亞灣 一作嘉釐符尼亞灣 一作加里佛尼亞灣

以墨西哥屬部名

巴拿馬灣

一作巴那馬灣 一作巴拿麻灣 一作帕那麻灣

以新加拉那大屬部名

海國輿地釋名

卷一

民多羅窄海

一作閔多羅海 一作明朵羅海 一名民答那峩海

以島名北抵民多羅島東南抵民答那峩島

西里百窄海

一作西利伯海 一作西里庇海

以島名在民多羅窄海之南

馬加撒峽

一作馬葛薩峽 一作馬克色峽 一作茫加薩峽 一作麻喀薩峽

在西里百窄海之西南界西里百婆羅洲二島之間

葛雷巴窄海

一作葛羅巴海 一作噶羅巴海 一作加雷巴海 一作葛刺巴海 一作噶刺巴海 一作查法海 一名瓜哇海 一名查法海

以島名在馬加撒峽之南偏西

巽他峽

一作孫他峽 一作森答峽

在葛雷巴窄海之西界葛雷巴蘇門答臘二島之間昔為



歐人東來必由之路今則取道於新加坡不必由此峽矣

弗羅力士窄海 一作輔羅力士海 一作佛羅理斯海 一作弗羅力斯海 一作夫老來斯海

以島名在葛留巴窄海之東

班達窄海 一作坂大海

以島名在弗羅力士窄海之東

阿拉夫拉窄海 一作阿拉敷拉海

在班達窄海之東南東抵多勒峽

加本大利亞灣 一作喀本答里灣 一作卡編塔利阿灣 一作卡噴塔利灣

北連阿拉夫拉窄海東抵澳大利亞島之約克角西抵北

澳大利亞

多勒峽 一作多利斯峽 一作叨勒斯峽 一作叨來斯峽 一作德黎斯峽

海國輿地釋名 卷一

北抵巴布亞島南抵約克角東踰此峽即入太平洋

暹羅灣 異名未詳

在暹羅國之正南晉書言扶南西去林邑三千餘里在海

大灣中梁書亦言扶南在日南郡之南海西大灣中皆指

此灣而言

麻刺甲峽 一作麻六甲峽 一作馬六加峽 一作麻刺卡峽 一作馬拉加峽

以英吉利屬地名或稱新加坡峽或稱馬來隔峽皆以附

近之地稱之西北踰此峽即入印度洋為航海往來必經

之地

自民多羅窄海至此統稱曰東南洋皆太平洋水之所分

洩故附於後 東南洋即梁書所謂大漲海



拜斯峽 一作拔斯峽 一作坂士峽

在澳大利亞達斯馬尼二島之間

谷克峽 一作科克峽 一作古克峽

在新西蘭南北二島之間

佛佛峽 一作博鳥峽

在新西蘭南島士丟扼島之間

大西洋 一名亞德蘭的海 一名阿蘭底海 一名壓瀾的海

南北距二萬四千里 或云三萬五千里 東西距萬有二百里 或云萬二千九

百里有奇 水面積為方里者百二十兆洋底最深處約二

十五里有奇

英倫窄海 一作英蘭海 一名滿砂海 一名漫沙海 一名札那勒海 一名芒史海 一名衣袖海

海國輿地釋名 卷一

八

北通歐洲北海西南通大西洋英法兩國夾海相望遠或

三四百里近者乃僅七十里 即多甫峽亦稱加來峽 兩國並於海口

建礮臺置守備焉

阿爾蘭窄海 一作埃爾蘭海 一作壹爾蘭大海 一作阿愛力施海 一作意而蘭大海 一作愛而蘭海

在英吉利三島之間西北西南皆通大西洋

比士開雅灣 一作維士開亞灣

以西班牙屬部名南抵西班牙東北襟法蘭西西北通大

西洋

幾內亞灣 一作勾尼阿灣 一作堅尼灣

以國名地當赤道

加力比安海 一作加里比海 一作喀力比海 一作加里比安海 一作加勒海 一作加



作喀立皮安海 一作加黎便海 一名安的列斯海

大西洋水匯於南北美洲相連之灣大小島嶼三面環之

西北連墨西哥灣計長五千四百餘里

墨西哥灣 一作墨西哥科灣 一作默西可灣

以國名北抵美利堅西抵墨西哥東南通加力比安海

閩都拉斯灣 一作閩都拉士灣 一作閩都拉斯灣 一作杭度拉斯灣

以國名東通加力比安海

撒馬拿灣 一作薩麻納灣 一作薩墨那灣

在海地之東北長九十里廣三十里凹深環抱最便海船

停泊原屬海地同治十二年讓歸美利堅管理

麥哲論峽 一作麥折倫峽 一作馬治蘭峽 一作義蘭峽

海國輿地釋名 卷一

九

在巴他義拿鐵府依勾島之間西通太平洋東連大西洋

往時商船西行多經此峽

印度洋 一作印度海 一名小西洋

南北距萬二千里東西距萬餘里水面積為方里者六千萬

洋底最深處約十里有奇 後漢書言大秦國在海西與安息

大秦居西海上 一曰海西國皆指印度洋之阿 刺伯海灣而言或謂即地中海黑海者似誤

紅海 一名勒爾西海 一名耳來得西海

界阿刺伯非洲之間北通地中海南通印度洋長約四千

餘里廣約六百里或三百餘里不等

勃白爾口門 一作巴白曼德門 一名流淚門 一名哭海

紅海南口東為阿刺伯也門部西為非洲亞發部廣約



十里

後漢書言條支西臨海魏書言從條支西渡海曲一萬里其海旁出猶渤海也均指紅海而言

阿勒富灣

一作阿爾謨斯灣 一作阿爾謨灣 一名波斯灣 一名百爾西亞灣 一名巴西灣 一名東

紅海 一名默生丁海 一名墨生丁海 一名阿爾母河

界波斯阿刺伯之間北抵土耳其地南通印度洋

孟加拉灣

一作孟加刺灣 一作榜甲拉灣 一作孟阿臘灣

以英印度屬部名東抵緬甸北與西襟印度南通印度洋

阿刺伯灣

一作亞刺伯灣 一作阿拉比阿灣 一作亞拉彼亞灣

以國名在印度阿刺伯之間西北通阿勒富灣西南通紅

海南連印度洋

後漢書言條支海水曲環其南即指此灣而言也

拍耳克峽

一作泡克峽 一作泡喀峽 一作巴克爾峽

在南印度錫蘭島之間

海國輿地釋名

卷一

十

澳大利亞灣

一作奧斯達里亞灣 一作澳削尼亞灣

以島名北抵澳大利亞西南連印度洋

莫三鼻峽

一作莫山比給峽 一作莫山鼻克峽

以國名在莫三鼻馬達加斯加之間

干勃力治灣

一作開母白力齒灣

在澳大利亞島之西北隅

恩康塔灣

一作安康透灣

在澳大利亞島之南墨來河入海處

北冰洋

一名北冰海

綜計為方里者千五百萬近西人探北極者已至北緯八十二三度之間計距北極盡處約千三百餘里云



加拉窄海 一作卡拉海 一作喀拉海

南抵歐洲極東北隅西距那法森伯拉島烏拉山蜿蜒自南來直抵此海

奴斯喀愛阿灣 一作赤士開雅灣

在加拉窄海之西

阿比灣 一作俄比灣 一作阿被灣 一作鄂必灣

卽阿比河入海處

也宜塞灣 一作耶泥色灣 一作煙尼塞灣 一作厓尼賽灣

卽也宜塞河入海處

保耳該灣 一作薄爾該灣

在來那河入海處

海國輿地釋名 卷一

十一

喀坦噶灣 一作喀湯加灣

卽喀坦噶河入海處

珂里馬灣 一作克里麻灣 一作可力馬灣

卽珂里馬河入海處

格林蘭窄海 一作哥連蘭海

在格林蘭愛士蘭島之間北通北冰洋南連大西洋

巴芬灣 一作拔芬灣 一作友分灣 一作巴非英灣

在格林蘭巴芬蘭特之間北通北冰洋南連大西洋

代非士峽 一作代非斯峽 一作代斐斯峽 一作爹非士峽 一名大比灣

在巴芬灣通大西洋處

哈德遜灣 一作黑德遜灣 一作阿德孫灣 一作赫得孫灣 一作侯得森灣 一作哈森灣



在北美洲英屬加那大部北境

墨耳微耳灣

一作末耳微爾灣

一作邁耳斐耳峽

以島名在北美洲極北境北通北冰洋

南冰洋

一名南冰海

綜計為方里者三千萬西人探南極者僅能至南緯七十八度內外蓋其地較北極為尤寒云

地中海

一名墨力特爾勒尼安海

一名美的德拉虐海

南北距七千里

或云六千里

東西距二千里水面積為方里者九

百六十五萬

直布羅陀峽

一作奇巴答峽

一作日巴拉大峽

一作支伯勞登峽 一作坡不洛得峽 一作齊伯陸塔峽

以島名即地中海西通大西洋處

海國輿地釋名

卷一

十一

亞得亞窄海

一作亞得利亞海

一作亞得喇亞海

一作阿得力阿海 一作愛得力唵狄克海

北與西襟意大利東北襟奧斯馬加東抵土耳其南通地

中海長一千四百里廣四百餘里凹曲而深鹽質最多

約尼亞窄海

一作若尼約海

一作要尼藹海

一作伊俄尼阿海

以希臘西境羣島名在希臘及意大利所屬拿破里部之間北通亞得亞海南連地中海

塔蘭隋灣

一作塔拉恩拖灣

一作達倫屯灣

以意大利屬城名南通約尼亞窄海

波尼發綽峽

一作波尼法楚峽

在哥塞牙撒丁二島之間

黑海

一名泰海

一名勒必西海

一名白辣克西海

一名薩哈連墨德里海 一名墨阿的湖 一名默阿的湖



卽漢所稱之秦海

南北距千五百餘里東西距約二千餘里周迴約六七千里

蓋地中海之子海也

三國志注引魏略言從安谷城陸道往大秦周迴繞海乃到其國似卽指今之

黑海

亞速灣

一作阿速灣 一作愛查府海

一作亞速弗灣 一名模額底鄂模

一作亞索弗灣

卽黑海東北隅之分汊

希臘窄海

一名亞耳居伯海 一名額力西卑耳海

一名亞爾給白拉利海 一名愛琴海

一名伊直安海

在土耳其希臘之間海內島嶼最多北通馬爾馬拉窄海

南通地中海

馬爾馬拉窄海

一作瑪爾摩拉海 墨拉海

一作馬麻拉海 一作麻摩拉海

一作瑪 一作入爾馬泥海

海國輿地釋名

卷一

三

一名馬海

土耳其中西兩土以此海爲界北通黑海南通希臘窄海

周圍窄狹僅能當內地一大河

波斯福爾峽

一名波斯士羅士峽 一名暴斯勿勒斯峽

一名波斯弗拉斯峽 一名堡斯佛峽

一名君

士但丁峽

一名黑勒斯奔峽

卽馬爾馬拉窄海北通黑海處廣不及一里

他大尼里峽

一作他大納爾斯峽 一作達特耐爾峽

一作大丹愛而斯峽 一作達得紐耳峽

卽馬爾馬拉窄海南通希臘窄海處廣約十里

波羅的海

一作波勒的海 一作巴勒底海

一作保羅的海 一作巴爾的哥海

一作巴爾提海 一作保耳別

克海

一作卜勒梯海 一作保勒第海

一作巴得海 一作保兒逃海

一作麻爾底海 一名斯多

各海

一名耶麻尼海 一名洲中海

一名入得海 一名黃海

一名

卧思得仄海



南北距約三千餘里東西距約千餘里北境至三冬堅冰涸  
結春融冰解海水奔騰而下委入大西洋夏秋水落外海之  
水倒灌而入故兩岸時有湮漲之虞

彼得尼亞灣 一作波的尼灣 一作波特尼灣 一作泊得  
尼阿灣 一作保資尼阿灣 一作布尼灣  
一作泊屯灣 一作伯特泥灣

卽波羅的海西北隅分汊瑞那北境諸水皆入此灣

芬蘭灣 一作宏蘭灣 一作非蘭的灣

以俄屬地名卽波羅的海東北隅分汊

里葛灣 一作黎噶灣 一作利牙灣 一作利加灣

以俄屬城名卽波羅的海東隅分汊

加的牙窄海 一作喀提葛特海 一作開提該特海

海國輿地釋名 卷一

古

在瑞典南境丹馬人德蘭島之間西北連士喀吉拉灣東  
南通波羅的海峽口廣僅數里丹馬嘗於此設關權稅至

咸豐年中各國商人糾集巨款將稅則購銷自是不復徵

士喀吉拉灣 一作斯加惹拉窄海 一作士卡嘎拉克岔

在那威丹馬之間北海之水匯之東南通加的牙窄海

裏海 一名北高海 一名喀爾士必安海 一名加斯比約海  
一名加斯批安海 一名喀斯片海 一名開四平西海  
一名喀爾士畢安海 一名加士比淹海 卽古寬田吉斯

海 一作騰紀斯海 一作騰格斯海 一作騰吉斯水  
一作騰吉思湖 一作騰格里湖 一作騰吉斯鄂模

南北距約三千餘里東西距約千里屬波斯者五分之一餘

均屬俄在鹹海之西黑海之東浩瀚似海而不通大海故名

裏海



鹹海

一名鹽海 一名死海 一名亞拉勒海 一名阿拉辣海 一名阿拉海 一名阿辣西海 一名亞拉爾海

一名亞拉湖 一名阿爾湖 一名達里岡阿泊 一名達里岡阿鄂模 即古之雷翥海

南北距七百餘里東西距六百餘里水面積為方里者十六萬在西域回部蔥嶺以西之水匯焉相傳舊有支河西通裏海今淤塞已數百年云

釋亞洲各國第二

日本

一名倭奴 一名韓中倭 一名蜻蛚國 一名和國 即古邪馬臺國

緯線自赤道北三十度五十八分起至四十五度三十一分止經線自京師偏東十三度起至二十九度止全國分四大島居中者為本洲地形狹長西曰九州北曰蝦夷南曰四國附屬小島凡千八百有奇舊分九道曰畿內曰山陰曰山陽

海國輿地釋名

卷一

五

曰東山曰北陸曰東海曰西海曰南海曰北海又分八十四國七百一十七郡近又分為二京三府一廳四十一縣北與樺太島隔尼哥勞斯海峽遙與俄羅斯相接東北古里利羣島斷續相連直抵俄屬之甘查甲部東距太平洋西南隔日本海與朝鮮相望迤南琉球諸島接近近中國之臺灣南北距三千三百餘里東西距或二百里或四五百里不等綜計為方里者百有九萬八千二百三十其國創建於周惠王之世自神武天皇至今皇明治一姓相承傳世百二十二歷祀二千五百六十西漢時通於中土自後聘貢不絕事唐尤謹嘗遣子弟入學故典章政令大率規撫唐制文治以降當南宋光宗朝將軍柄政魁柄下移六七百年間王室之不絕如線德川氏



之世封關自守海禁尤嚴道光二十四年美利堅請互市拒  
之二十九年美英船復至咸豐三年美水師統帥披理率兵  
艦四艘入內港俄羅斯兵艦亦相繼踵至自是外人迭來劫  
盟不勝其侮咸豐八年始弛港禁與美人定互市約又與荷  
蘭英俄議定通商條例明治嗣統遷都東京廢藩封為郡縣  
乃銳意變用西法凡官制刑律學校兵政商務革故鼎新汲  
汲不倦惟改正朔易服色頗為環球所嘲笑而彼固夷然不  
以為恥也光緒五年以兵取琉球夷為屬縣甲午之役侵我  
藩服攘我臺灣復與各國修改舊約國勢益張屹然為東海  
雄邦與泰西各強鄰相頡頏焉

都城曰東京

一名江戶

一名也多

海國輿地釋名

卷一

六

舊為將軍府地今王睦仁遷都於此沿海灘多水淺重船  
不能停泊故商埠皆在橫濱

朝鮮

一名三韓

一名高句驪

一名高麗

緯線自赤道北三十四度起至四十三度止經線自京師偏  
東八度起至十四度止東西南三面環海西北毘連盛京以  
鴉綠江為界北界吉林東北界俄羅斯沿海島嶼環列南北  
距二千里東西距或千里或七八百里不等

廣千三百餘里

綜計為方里者九十餘萬國分八道凡統十八州八

十六府一百六十三縣秦末為遼東外傲漢初為燕衛滿所

據武帝取之置真番臨屯樂浪元菟四郡漢末復為公孫度

所據再傳而魏滅之後高漣有其地都樂浪

即平壤

五代時王



建代高氏闢地益廣并新羅百濟爲一國都開城以平壤爲  
西京國號高麗始遣使入貢歷宋遼金元貢使不絕明太祖  
洪武時國人惡其王昏庸廢之而推門下侍郎李成柱後更名且  
主國事遷都漢城遣使來請改國號詔更號朝鮮入 國朝  
朝貢尤謹同治二年俄人始率兵艦至元山等處堅請通商  
是年九月法蘭西水師將魯日率兵艦入海江抵漢城毀一  
礮臺而去十月法艦又至江華島進陷其城掠銀十餘萬十  
一年美利堅水師將勞直耳司率二鐵艦抵江華島毀礮臺  
三座光緒二年日本以兵脅訂通商約開仁川元山釜山諸  
口於是中國乃聽朝鮮與泰西諸國立約通商並遣官往蒞  
盟焉是時國內守舊開化二黨交訐至八年而亂作焚日本

海國輿地釋名

卷一

七

使館中國聞亂亟遣兵艦三艘馳抵仁川口而日本兵艦續  
至見我艦先在乃不敢動遂定約以朝鮮歸兩國共保二十  
年國又內亂日本乘隙以兵入其國中國發兵援之水陸戰  
皆不利旋議和罷兵許朝鮮獨立爲自主之國改元建陽益  
自箕子受封至今幾三千年世爲中國藩服至是而倭人篡  
之俄人躋之日本屢謀取朝鮮畏俄強竟不得逞危而復存卒得自保其疆土  
豈非幸與

都城曰漢城 一名漢陽

隸京畿道南臨漢江

暹羅 一名羅斛 晉梁皆曰扶南 隋曰赤土 唐曰羅越

緯線自赤道北四度起

并馬來隅屬地在內

至二十二度止經線自京



師偏西十二度起至十九度止北界雲南南臨海灣東界安南西界緬甸南北距四千四百里東西距廣處千三百里狹處幾不滿百里為方里者約五百餘萬此并馬來隅地計算本國地僅二百三十五萬一千九百方里本古暹及羅斛二國地元順帝至正間并為一國分置郡縣隸於郡郡隸於大庫司大庫司者其制若中國之布政使司明以來為中國藩屬貢獻維謹乾隆時幾為緬甸所滅復國後故王無嗣國人推立其酋長鄭昭傳子華五十一年受冊封為暹羅國王咸豐間粵寇亂起貢使遂絕舊例三年一貢近已立為自主之國英人實擁護之改效西制與各國立約遣使通商一變舊日怠惰骯骹之俗且聞其國王已非鄭氏子孫數年前游歷歐洲頗為各國所禮重焉

海國輿地釋名

卷一

七

案暹羅為古赤土本無可疑近人或謂赤土本島國非岸國蓋泥隋書有北拒大海之文其實前史記外國方位歧誤甚多未足為確證也今考隋書載常駿王君政往赤土所經之程準其地望一一皆合自南海郡乘舟晝夜二旬每值便風至焦石山當即七洲洋七洲洋一名七里山一名浮邱山焦石或亦其異名也東南泊陵伽鉢拔多洲當即海國聞見錄之千里石塘今西圖名曰巴拉塞爾羣島皆小島灣環散列中間亦可寄泊在廣南之東即隋書所謂西與林邑相對也自是島嶼連接又行二三日西望見狼牙須即狼牙修隋時不知有婆羅洲惟知梁時有狼牙修國在南海中故云爾也之山此山當為婆羅洲之息力大山狼牙須尚在婆羅之西南相去甚遠無緣望見也於是南達



雞籠島至於赤土之界雞籠當為昆侖之轉音海國聞見錄  
所謂大小二山屹立澎湃在真臘之南似即今西圖塞塞島  
都城曰曼谷一作萬郭 一作萬國 一作邦哥 一作邦  
一作邦革 一作邦考克 一作砵閣 一作邦國

南臨湄南河距暹羅海灣約數十里

波斯一作巴社 一作包社 一作巴西 一作伯西 一作  
白爾西亞 一作百爾西亞 一作巴爾齊亞 一作北  
耳西亞 一作比耳西 一作法耳西 一作白爾設 一  
作塞克 一名大白頭 漢曰安息 元曰哈烈 一曰黑  
魯 一曰高奢 一曰報達

緯線自赤道北二十五度起至三十八度止經線自京師偏  
西五十六度起至七十一度止北界西域回部近屬俄改名  
及裏海南臨阿勒富海灣東界阿富汗及俾路芝西界東土

海國輿地釋名

卷一

九

耳其南北距二千六百里東西距三千里綜計為方里者二  
百三十萬其建國最早然西史所載古事率皆荒誕不經成  
周中葉波斯王有居魯士者善用兵兼并巴庇倫小亞細亞  
諸部闢地極廣其子孫雄長西方者幾二百年至顯王三十  
九年為馬基頓王亞歷山德所滅土宇分裂是時東方豪傑  
頗能據地自立而安息最強盛屢與羅馬構兵蜀漢時波斯  
故王裔有日亞耳達吉者起兵滅安息自立為波斯王數與  
羅馬爭小亞細亞諸部梁武帝大同中波斯伐羅馬克之焚  
掠其都城而歸唐太宗貞觀末大食即阿刺伯攻波斯殺其王高  
宗龍朔間大食復攻波斯滅之憲宗元和間波斯叛大食而  
自立宋太祖時西突厥遺種南徙入波斯境據哈斯那立國



遂并波斯自是波斯為回部所據者數百年元太祖起漠北  
征波斯克之憲宗封弟旭烈兀為波斯王傳十九世至元末  
駙馬帖木兒者據撒馬罕日益強大遣其子沙魯哈攻波斯  
取之更名哈烈明孝宗宏治十五年回教人伊蘇默兒起兵  
逐帖木兒裔之在波斯者自立為波斯王傳二百餘年復并  
入於阿富汗雍正九年波斯故王裔起兵逐阿富汗人於是  
波斯復立國嘉慶十八年與俄羅斯構兵敗績割北境日爾  
日亞部以講自是國勢衰弱版宇分裂近分為十一部

都城曰德黑蘭一作德希蘭 一作地希蘭  
一作特黑蘭 一作特黑來 一作氏黑令

一作台侯拉恩

### 隸以辣亞日迷爾部

## 海國輿地釋名 卷一

辛

阿富汗一作阿富汗 一作阿付顏尼 一作阿富汗根 一作

巴什一名敖罕 一作亞加業坦 一名押安 一名克則爾  
火羅國一曰土豁羅 一曰觀貨羅 一曰吐呼羅

緯線自赤道北二十九度起至三十六度止經線自京師偏

西四十六度起至五十六度止北界西域回部南界俾路芝

東界英屬印度西界波斯南北距千四百四十里東西距二

千餘里綜計為方里者約二百餘萬其國本波斯東境明武

宗正德時有莫卧爾者瀛寰志略 取喀布爾堪達哈爾濟斯

尼三城自立為國康熙時波斯衰亂阿富汗乘勢侵并獲其

全土越十七年波斯復與其王那的爾沙悉銳東征滅阿富

汗那的爾沙死阿富汗王子亞美沙收復故土復與波斯並

立乾隆二十四年因巴達克山內附貢良馬嘉慶中其南境







灣東界印度西界波斯南北距千餘里東西距二千里綜計  
為方里者百三十萬其國沿革不可考嘗附屬於蒙古波斯  
印度最後為阿富汗南屬嘉慶時乃別立為國國無王羣酋  
分治地分六部

都城曰刻拉特

一作基拉 一作幾拉德 一作啟拉特  
一作改拉脫 一作其拉 一作哈拉 一作革拉德

在國之東境隸薩拉灣部建於山頂最高處

阿刺伯

一作亞刺伯 一作亞拉伯 一作亞拉亞 一作亞  
拉比亞 一作曷刺比亞 一作亞拉彼亞 一作亞

亞 一作歐來比歐 一名沙蘭 漢曰條支 唐曰大食又曰  
亞俱羅 明曰阿丹曰阿蘭曰天方曰天堂曰天房

緯線自赤道北十二度起至三十三度止經線自京師偏西

海國輿地釋名

卷一

三

六十七度起至八十四度止北界東土耳其南臨海灣東濱

阿勒富灣西抵紅海南北距四千二百里東西距三千四百

里綜計為方里者四百三十萬後漢和帝時班超遣椽甘英

通大秦抵條支即此國也唐時稱為大食回教既興乃有天

堂天方等名或有稱默伽默德那者則舉其城言非國之本

名也回教者其祖曰謨罕驀德一作瑪哈穆特 一作摩哈麥  
一作摩哈默即唐書大食傳

之摩訶末以陳宣帝大建三年生於默伽城創伊蘭教即回教著書

曰可蘭自稱大教師定回教紀元之制唐高祖武德五年起

兵定阿刺伯全土西取東羅馬之西里亞謨罕驀德死奉其

教者稱沙蘭生故亦以沙蘭名國太宗貞觀季年東取波斯

西據埃及時屬東羅馬又盡奪西里亞諸城高宗龍朔間其教師



曰摩阿維約者遷都於大馬士革今屬土耳其西里亞部睿宗時以兵

取非洲北境又北踰直布羅陀海峽逐峨特族據西班牙而

有之元宗天寶間其黨爭大教師位國分為三有亞伯士族

者據阿刺伯舊壤遷都於八塔今屬土耳其之美索不達迷亞部國勢日強

屢入貢於中國即黑衣大食事實具唐書是時其國已兼有西域諸部德

宗貞元間其王曰哈倫阿拉伯者即唐書之訶倫分遣三子王波斯

阿刺伯及葱嶺以西地憲宗元和間將軍達厚據波斯以叛

於是波斯遂別立國自是以後國蹙衰弱疆宇日蹙其教師

僅守有兩河間即幼發拉的河及泰格里士河今屬土耳其地至元憲宗時竟為

旭烈兀所滅然其種族散在默伽等地者尙自稱阿刺伯國

明世宗嘉靖時嘗為土耳其所攻降為藩屬國分六部自治

海國輿地釋名 卷一

之部三曰內惹德曰呵曼曰亞達拉毛土酋分轄餘三部皆

受治於土耳其

都城曰默伽一作麥加 一作墨加 一作美加 一作茂加 一作黑加 一作墨克 一作邁克

隸黑沙部建於山谷中西北臨近紅海有大酋駐此

廓爾喀一作廓爾加 一作庫爾卡 一作戈二卡 一作喀爾懇特 一名尼巴爾 一名尼伯爾 一名尼泊爾

一名尼保爾 一名尼報里 一名尼博拉 一名泥泡爾 一名巴勒布 一名巴爾布 一名白布 一名別峰 一名畢棒子 唐曰泥婆羅 明曰尼八拉

緯線自赤道北二十五度四十分起至三十度止經線自京

師偏西二十八度起至三十六度止北枕希馬拉雅山南界

巴哈爾及烏德東界哲孟雄東南界孟加拉西界德列南北

距約七百里東西距約二千里舊分布顏庫庫木葉楞三部



雍正十年並入貢後并爲一國分置九部乾隆五十六年侵擾後藏福文襄率大兵征之逼其都城廓人乞降乃納款定貢英人屢謀取之血戰連年迄不能得

都城曰加得曼都一作加德滿都 一名陽布 一作加曼士 一作卡

在內地

布丹一作不丹 一作布屯 一作佈但 一作布但 一作  
菩蕾一作布灘 一作瓶大離 一名布魯克  
布魯克巴一名佈魯克巴

緯線自赤道北二十五度四十分起至二十八度止經線自京師偏西二十四度起至二十七度二十分止北枕希馬拉雅山南界亞山東界貉貍野人境西界哲孟雄南北距約五百數十里東西距約八九百里其地爲紅教喇嘛總持之所

海國輿地釋名 卷一

音

舊分布魯克噶畢兩族雍正年間並入貢後并爲一仍分二

部曰德白拉乍即布魯克曰比斯尼即噶畢

都城曰達西蘇敦一作大西蘇敦 一作塔西蘇登 一作塔西蘇頓 一作札什曲宗

爲藏商往來之孔道西距大吉嶺不過二日程

哲孟雄一作者木雄 一名西基 一作昔吉穆 一名錫金 一名西金 一名細徑

緯線自赤道北二十七度起至二十九度止經線自京師偏西二十七度二十分起至二十八度止北界後藏南界大吉嶺東界布丹西界廓爾喀南北距約四百餘里東西距約百餘里舊本西藏屬部嘉慶時爲廓爾喀所滅英人伐廓爾喀大敗之廓人請和英人遂以哲地復封其部長自後廓哲兩國均歸英保護而仍予以自主之權既而英人向哲索大吉嶺



地建造兵房閱三十餘年哲官有拘禁英人之游歷者英人來討割哲南境地附益於大吉嶺設官治之隸於孟加拉大帥於是哲酋僅有半主之權矣

克什米爾

一作克什彌爾 一作加治彌爾 一作加支迷爾 一作加斯彌野 一作夾氏米里 一作乞石迷西

一作開施米耳 一作埃及米爾 一作曼什米爾 唐曰箇失密又曰迦溼彌羅 宋曰迦溼彌勒 元曰乞石迷耳

緯線自赤道北三十二度二十分起至三十六度止經線自京師偏西三十六度起至四十二度三十分止北阻慈嶺南

界印度之本若部東界後藏阿里西界阿富汗南北距約千里東西距約千二百里四面崇山拱繞都城建於山內自古

稱為大國印度河曲環其三面迤南瀕河有屬部曰辣答克

一作辣 達克 懸度在其境內道光季年英人滅塞哥克什米爾遂

海國輿地釋名 卷一

姜

降於英稱屬藩焉

印度

一作溫都 一作忻都 一作輿都 一作痕都 一作軒都 一作信度 一作溫都斯坦 一作忻都斯坦 一作輿都斯頓 一作痕都斯坦 一作軒都斯丹 一作新都斯頓 一作印弟亞 一作賢豆 一名小白頭 一作曰身毒又曰天竺

緯線自赤道北八度起至三十三度止經線自京師偏西二十三度起至四十八度止北界布丹哲孟雄廓爾喀克什米

爾南土斗入南海即印 度洋形如箕舌東界緬甸西跨印度河與

阿富汗俾路芝連界南北距五千餘里東西距四千八百餘里綜計為方里者千一百五十六萬二千七百有奇其地舊

分為五為佛教所從出後漢時通於中土唐時屢入貢趙宋時為土耳其回族所據元太祖起漠北征服西北兩印度憲



宗復征服中印度以宗王駙馬領其地東南諸部皆屬焉明  
惠帝建文初元舊藩撒馬兒罕帖木兒威行西域取印度爲  
別部旣而棄之明孝宗宏治八年葡萄牙人始來印度開商  
埠於西境之孟買十七年葡人復建埠於南印度之可陳世  
宗嘉靖五年撒馬兒罕別部曰莫卧爾者兼并諸回部盡奪  
印度地建都於亞加拉之得希城號曰大蒙古十四年英人  
始來孟加拉通商二十八年英人設公司於孟加拉駐水師  
保護之三十年荷蘭人踵至效英人設公司而法蘭西人亦  
來建埠於南印度之東岸光宗泰昌元年英人復開商埠於  
南印度東境之麻打拉薩康熙初葡人嫁女於英媵以孟買  
地於是印度西境皆歸英是時蒙古諸族相爭奪四分五裂

海國輿地釋名

卷一

美

國勢蹙衰乾隆初年分爲麻刺多賣索爾烏德諸部二十年  
孟加拉酋長禁錮英兵民斃其大半英人起傾國之師攻孟  
加拉取之遂乘勝席卷中南諸部嘉慶八年英人始用兵於  
麻刺多取得希城立蒙古裔阿喀巴爾爲王給以歲祿十年  
英人盡逐法荷兩國兵之在印度者二十二年英人滅麻刺  
多

卽中印度諸土部及刺  
日不德痾黎薩等地

道光二十三年英人取西印度之

信地二十八年進兵攻塞哥滅之於是英人奄有印度全土  
咸豐七年孟加拉民作亂擁蒙古後裔爲王殲戮英人十餘  
萬全境震動明年公司募大兵討平之先是用兵取印度地  
皆公司主之嘉慶三年英廷始簡其侯爵惠來執里來爲總  
理印度大臣然遇事尙與公司商辦至是乃盡撤公司之權



以全地歸政府設印度專部遙領之於印度設大兵帥一位  
視中國之總督專制之權比於外藩副兵帥五位視巡撫大  
長官二置部八曰孟加拉部曰西北部曰本若部曰孟買部  
曰麻打拉薩部以副兵帥領之曰中部曰亞山部以大長官  
領之分疆而治而皆聽命於大兵帥別有緬甸部者亦附屬  
焉

緬甸

一名烏土

一名布耳瑪

一名披爾麻

一名杯耳麻

一名柏爾瑪

漢曰揮

唐曰驃又曰突羅朱闍婆

宋

曰蒲甘又曰緬

元亦曰緬

緯線自赤道北十四度起至二十七度止經線自京師偏西  
十六度起至二十四度止東北及東界雲南西北界亞山東  
南界暹羅西南濱孟加拉海灣西界印度南北距三千里東

海國輿地釋名

卷一

釋亞洲各

七

西距廣處千五六百里狹處不過二百里綜計爲方里者七  
十九萬七千有四本古朱波國地明太祖洪武間始內附置  
宣慰使後躉強盛屢爲邊患乾隆十六年來貢金塔馴象三  
十年後數犯邊傳文忠阿文成屢率師征之不能取也舊分  
三國曰阿瓦曰秘古曰阿拉干互相爭奪明神宗萬曆時阿  
瓦以兵脅服秘古境內承平者百四十年乾隆初秘古復叛  
血戰十餘年竟滅阿瓦阿瓦部落有阿羅般者即甕藉牙 收集  
土兵復取阿瓦舊都進兵攻秘古恢復舊疆遂王緬其子山  
巴領嗣位滅秘古乘勝攻取暹羅以兵威降諸土司乾隆四  
十八年攻下阿拉干并爲一國國執大振道光初緬人覬覦  
印度之富屢侵孟加拉部六年英人率印度兵來攻緬人禦



之戰屢失利而英師亦以長驅深入士卒多病將謀班師反  
聲言直取阿瓦都城緬人大懼割阿拉干等地乞和償兵費  
數百萬咸豐二年又與英構兵盡失南境秘古等地光緒十  
一年竟爲英人所滅英人設長官治之隸於印度大帥十三  
年中英立約令緬酋仍循例十年一入貢中國所謂告朔餼  
羊虛有其名而已

都城曰莽達拉

一作曼德來

一作曼豆拉

一作曼特

一作蠻得列

一作蠻得勒

一作蠻得

一作孟得劑

一作滿大來

一作門德利

一作孟得劑

一作孟作

南掌

一作纜掌

一作老掌

一名老撾

一名烏哩

一名

北界雲南南界暹羅東界越南西界緬甸其弱小不過如土  
海國輿地釋名 卷一 天

司會典曾列之入貢九國之中嘗屬緬甸近又服屬於暹羅

琉球

一作流虬

一作流求

一作瑠求

一作流鬼

一名

緯線自赤道北二十四度二十分起至二十八度三十分止

經線自京師偏東七度起至十三度四十分止在日本薩摩

島之南相距約九百里迤南偏西接近臺灣相距約百六十

里周環大小四十餘島其中部有島較大爲故王建都之地

南北距約四百四十里東西距不及百里其地於古無故隋

時始聞於中土明太祖洪武初遣使慰諭遂奉表入貢是爲

通中國之始成祖永樂二年遣行人時中往命武甯襲中山

王爵是爲受封之始神宗萬曆間日本攻克之虜其王歸旋

釋之遂貢於日本然其入貢中國如故 國朝定鼎首先歸







江神宗萬曆初黎氏裔翹強起兵逐莫氏復國遣使入貢詔以黎維潭爲都統使安置莫氏於高平如漆馬江故事

國朝康熙五年黎氏來繳明桂王勅印 詔封黎維禱爲

安南王而高平莫元清亦受都統使職自是屢構兵十三年維禱攻取高平安南地遂盡歸黎氏黎氏臣有鄭氏阮氏者世爲輔政爭權後鄭氏強而阮氏弱鄭遂專制朝政出阮氏於順化阮氏竟據有其地稱廣南王由是鄭阮世仇阮光平者廣南土酋也與法蘭西教士阿特蘭善乞師於法結鄭氏攻滅廣南王據而自立乾隆五十一年鄭氏內亂光平以兵誅之專國政尋復篡黎氏遷都順化黎氏臣來告 命廣西雲南兩路進兵討之光平自知不敵乃乞降許之明年來

海國輿地釋名

卷一

三

朝受 封爲安南王黎氏甥阮福映者舊封祿奈號舊阮而別稱光平父子爲新阮嘉慶四年舊阮以暹羅兵取順化滅新阮遣使來告爲黎氏復仇狀並自陳祿奈本古越裳氏地乞以越南名其國 詔遂封爲越南國王於是越南疆

域兼有古占城真臘之地置南圻十道咸豐七年法蘭西以兵圍西貢至同治二年不解越人乃割水真臘六道請和西貢遂爲法有六年法人以計誘降柬埔寨爲屬國復東侵及占城同光閒法復迫越立約以北圻之海防南圻之廣和爲各國互市之地光緒八年法人復襲取河內甯平海陽南定四道十一年越南全境皆折入於法

都城曰順化

一名富春  
一名呼艾

一名西京  
一名虎地

一名南京

一名傅依



建於順化河濱東距海口約三十里

達爾給斯丹

一作西爾給斯丹 一作土爾啟斯丹 一作德其斯丹 一名韃韃里 一名達達利

一名達

達爾

古曰韃韃

一名西域回部

緯線自赤道北三十六度起至四十七度止經線自京師偏

西三十六度起至六十三度止北接俄羅斯之西伯里亞部

南至阿富汗波斯東至中國邊界西抵裏海南北距二千五

百里東西距四千餘里綜計為方里者一百八十五萬部落

甚多久受中國羈縻俄羅斯時以兵力蠶食之至近年遂為

俄人所并分置省郡命曰中亞細亞部

布哈爾

一作布噶爾 一作布哈拉 一作木哈臘 一作布喀刺 一作薄哈拉 一名札布 一名笨札布 一作布

名甲不 元曰卜哈爾又曰阿八哈爾 明曰卜花爾 其南境即吐火羅又即元時之木乃奚一日木刺夷

海國輿地釋名

卷一

三

回部大國北境與浩罕連壤由鹹海以達裏海包浩罕西界

南界阿富汗東界巴達克山諸部東南接克什米爾西南界

波斯東境多山西境有大戈壁蓋城郭而兼游牧之國也乾

隆二十九年內附今為俄人所并

巴達克山

一作拔達克山 一作補答山 一作巴爾克 即漢書之烏秣國又即北魏書之嚙唎國 隋唐皆曰

悞怛又曰挹闐

元曰巴達哈傷

明曰八答黑商

在葱嶺之西南城郭回部距葉爾羌千有餘里乾隆二十四

年回酋霍集占竄入其境其酋禽而戮之獻其馘遂率所部

十萬戶內附近又屬於阿富汗

珂汗

一作窩汗

一作斡罕

一作瓦罕

一作瓦漢

在巴達克山北境羣山環繞案唐書西域傳識匿或曰尸



棄尼曰瑟匿東五百里距葱嶺守捉所南三百里屬護密西北五百里抵俱密初治苦汗城後散居山谷以地望準之當爲今珂罕左右地苦汗卽珂汗也

博羅爾

一作博洛爾

卽西域記鉢露羅國

在巴達克山之東城郭回部四面皆山乾隆二十四年內圯其族別爲一種與各回部言語不通稱其酋曰比

布魯特

卽西域記之波謎羅一曰波謏羅

分東西兩部東部五在天山北準部之西南乾隆二十三年內圯西部十五在葱嶺之西與哈薩克巴達克山浩罕毘連二十四年內圯今爲俄人所并 案大唐西域記波謎羅川

唐書作波謏羅川由商彌國東北踰山七百里至此

中有大龍池池西派一大流西至

海國輿地釋名

卷一

三

達摩悉鐵帝國東界與縛芻河合而西流東派一大流東北至佉沙國西界與徙多河合而東流準其地望波謎羅卽布魯特蓋譯音讀布如波讀魯如羅緩呼之爲波謎羅急呼之則爲布魯加特者語助辭也大龍池卽葱嶺上之塞勒庫爾

一作哈喇庫爾

佉沙國卽今之英吉沙爾在葉爾羌西北

哈薩克

或謂卽魏隋時之康國

回部大國東北界科布多所轄之烏梁海迤南界塔爾巴哈台東南界伊犁北接俄羅斯屬地西南界浩罕布魯特諸部地分三部左部曰鄂爾圖玉斯在伊犁之西北逐水草而居右二部亦稱中部西部中部曰齊齊玉斯西部曰烏拉玉斯在伊犁之正西皆有城郭乾隆二十年內圯其酋皆授王公



台吉世爵三年一貢別有部曰北哈薩克以游牧寇掠為俗時侵鈔俄羅斯邊境光緒九年中國與俄羅斯定科布多界約而哈薩克遂為晉鄭閒隙地界約第二條云哈薩克或願居中國或願居俄國均聽其便近年復降於俄羅斯

浩罕 一作霍罕 一作敖罕 一作豪罕 一作哥干

城郭回部在葱嶺之西屬城八汗所居城即浩罕在適中之

地最東一城曰安集延一作安吉延名最著西域人盛稱之迤西

百八十里曰瑪爾噶朗一作瑪爾噶浪再西八十里曰納木干一作奈曼

納木干西距浩罕城亦八十里四大城俱當平陸瀕納林河

南岸小城三最西曰科拉普西南曰霍占東南曰窩什一作霍什

別一城曰塔什干一作塔什罕本城郭回部在納林河之北

海國輿地釋名 卷一 三

北與哈薩克毘連管屬於哈薩克右部乾隆二十三年請內

坳尋入貢後降浩罕為屬城同治初年八城皆并於俄羅斯

賽瑪爾堪城即魏書之悉萬斤唐書之康國西域記之颯秣建國元史之薛迷思干城一曰邪迷思干一曰

尋思干元秘史之撒里黑崑明史曰撒馬兒罕一作撒

撒馬爾刊一作三馬爾丹一作賽馬爾丹一作撒馬耳干一作撒馬爾根一作薩瑪爾罕一作薩麻

喀恩特一作得馬拉干達在浩罕南境南距阿母河約數百里

案自浩罕布哈爾至阿富汗北境廣袤二三千裡皆漢時大

宛康居大夏大月氏高附等國地其疆域界限已不能塙指

何處近人強為區別各執一說亦莫能衷一是也

基發一作基法 一作基瓦 一作機哇 一作機窪 一作機注 一作其襪 一作希注

在鹹海裏海之間地多沙磧道光十九年俄人興兵擊之值



天寒士卒死者甚眾乃罷兵同治十二年俄師復來攻基發知不敵乃降於俄

巴勒提

一作巴爾替

一名哈拉替良

在博羅爾之南國於山谷之中風俗與浩罕同

乾竺特

一作喀楚特 記之烏鍛國

一作坎巨提

一名退擺特

即西域

在葱嶺之南喀什噶爾之西北地與後藏相接縱橫約數百里歲貢中國沙金一兩五錢亦嘗入貢於克什米爾光緒十八年英吉利侵其境其酋與戰不勝詣卡外告急 朝廷命駐英使臣向英廷詰問乃定約廢舊酋更立新酋兩國各遣使往蒞盟焉

馬來隅

一作馬來西 來由

一作馬萊西

一作馬萊由

一作巫

海國輿地釋名

卷一

三

一作吡勝油 梁書曰海崎

唐書曰海峽又曰質

緯線自赤道北一度起至十度止經線自京師偏西十二度起至十八度止地形如人股伸入海中東西南三面環海惟北境與暹羅緬甸昆連南北距二千餘里東西距或六百里或二百里不等梁書言頓遜國在海崎上地方千里通典言頓遜國梁時聞焉在海崎上去扶南可三千里唐書地理志言行至海峽蕃人謂之質南北百里北岸則羅越國南岸則佛逝國皆指此隅而言也東岸部落七曰斜仔曰六崑曰宋踞勝曰大呢曰吉蘭丹曰丁加羅皆屬暹羅曰卑力曰沙刺我近亦附於英西岸部落五曰吉德屬暹羅曰卑力曰沙刺我曰麻刺甲曰新嘉坡皆屬英吉利

